

Любомудренная Анна молящися, / устне́ ўбо двизаше ко хвалению,
глас же ея́ не слышашеся; / но обаче неплодна сущи, / сына молитвы
раждает достойна.

Помяни нас, Господи, / егда́ приидеши во Царствии Твоём.

В судиях спречтёся Аннино порождение, великий Самуил, /
его́же воспитала Армафема в дому́ Господни; / тому́ поревнуй, душе́
моя, / и суди прежде инех делá твоя́.

Помяни нас, Владыко, / егда́ приидеши во Царствии Твоём.

Давид на царство избран, / царски помазася рогом Божественнаго
мира; / ты ўбо, душе́ моя, аще хочеши вышняго Царствия, / миром
помажися слезами.

Помяни нас, Святы́й, / егда́ приидеши во Царствии Твоём.

Помилуй создание Твоё, Милостиве, / ущедри руку́ Твоею
творение / и пощадí вся согрешившия, / и мене́ паче всех, Твоих
презревшаго повелений.

Слава Отцу́ и Сыну / и Святому́ Духу.

Безначальну, и рождению́ же, и происхождению, / Отцу́ покланяю-
ся рождшему, / Сына́ славолю́ рожденнаго, / пою́ сопросиявшаго Отцу́
же и Сыну, Духа Свята́го.

И ны́не и прісно / и во ве́ки веко́в. Ами́нь.

Преестественному Рождеству́ Твоему́ покланяемся, / по естеству́
славы́ Младенца Твоего́ не разделяюще, Богородительнице: / Иже
бо Един Лице́м, / сугубыми исповедуется естество́.

Песнь 7

Ирмос:

Со - гре - ши - хом, без - за - кон - но - ва - хом, не - прав - до - ва - хом

пред Го - бо - ю, ни - же - соб - лю - до - хом, ни - же - со - тво - ри - хом,

я - ко - же за - по - ве - дал е - си нам, но не пре -

даждь нас до кон - ца, от - цев Бо - же.

Помілуй мя, Бóже, помілуй мя.

Согрешіх, беззакóнновах и отверго́х за́поведь Твою́, я́ко во гресéх произведóхся, и приложіх я́звам стру́пы себе́; но Сам мя помілуй, я́ко благоутрóбен, отцéв Бóже.

Тáйная сéрдца моего́ исповéдах Тебé, Судии́ моему́, виждь мое́ смире́ние, виждь и скорбь мою́, и вонми́ суду́ моему́ ны́не, и Сам мя помілуй, я́ко благоутрóбен, отцéв Бóже.

Сау́л иногда́, я́ко погуби́ отца́ своего́, душе́, осля́та, внезапу́ ца́рство обре́те к прослу́тию; но блюди́, не забыва́й себе́, скóтския по́хоти твоя́ произво́ливши па́че Ца́рства Христо́ва.

Дави́д иногда́ богооте́ц, а́ще и согреші́ сугу́бо, душе́ моя́, стрело́ю у́бо устрелéн быв прелюбодéйства, копиéм же пленéн быв убийства́ томлéнием; но ты сама́ тяжча́йшими дéлы недугуеши, самохóтными стремлénьми.

Совокупі́ у́бо Дави́д иногда́ беззакóнию беззакóние, убийству́ же любодéйство раствори́в, пока́ние сугу́бое показа́ áбие; но сама́ ты, лука́внейшая душе́, соделала еси́, не пока́явшись Бóгу.

Дави́д иногда́ вообрази́, списав́ я́ко на ико́не песнь, ё́уже дея́ние облича́ет, е́же соде́я, зовы́й: помілуй мя, Тебé бо Еди́ному согреші́х всех Бóгу, Сам очисти́ мя.

Кивóт я́ко ноша́шеся на колесни́це, Зан о́ный, егда́ превращшуся тельцу́, то́чию косну́ся, Бóжиим иску́сися гнёвом; но тогó дерзновéния убежа́вши, душе́, почита́й Божéственная́ чéстне.

Слышала еси Авессалома, како на естество воста, познала еси того скверная деяния, имиже оскверни ложе Давида отца; но ты подражала еси того страстная и любосластная стремления.

Покорила еси неработное твое достоинство телу твоему, иного бо Ахитофела обрети врага, душе, снизшла еси сего советом; но сия разсыпа Сам Христос, да ты всяко спасешися.

Соломон чудный и благодати премудрости исполненный, сей лукавое иногда пред Богом сотворив, отступи от Него; емуже ты проклятым твоим житием, душе, уподобилася еси.

Сластьми влеком страстей своих, оскверняшеся, увы мне! рачитель премудрости, рачитель блудных жен, и странен от Бога; егоже ты подражала еси умом, о душе, сладострастьми скверными.

Ровоаму поревновала еси, не послушавшему совета отца, купно же и злейшему рабу Иеровоаму, прежнему отступнику, душе. Но бегай подражания и зови Богу: согреших, ущедри мя.

Ахаавовым поревновала еси сквернам, душе моя, увы мне! была еси плотских скверн пребывалище и сосуд срамлен страстей; но из глубины твоея воздохни и глаголи Богу грехи твоя.

Попали Илия иногда дващи пятьдесят Иезавелиных, егда студныя пророки погуби во обличение Ахаавово; но бегай подражания двою, душе, и укрепляйся.

Заключися тебе небо, душе, и глад Божий постиже тя, егда Илий Фесвитянина, якоже Ахаав, не покорися словесем иногда; но Сараффии уподобися, напитай пророчу душу.

Манассиева собрала еси согрешения изволением, поставльши, яко мерзости, страсти и умноживши, душе, негодование; но того покаянию ревнующи тепле, стяжи умиление.

Припадаю Ти и приношу Тебе, якоже слезы, глаголы моя: согреших, яко не согрешит блудница, и беззаконновах, яко иной никтоже на земли; но ущедри, Владыко, творение Твое и воззови мя.

Погребох образ Твой и растлих заповедь Твою, вся помрачися доброта, и страстьми угасися, Спасе, свеща; но, ущедрив, воздаждь ми, якоже поет Давид, радование.

Обратися, покайся, открый сокровенная, глаголи Богу, вся ведущему: Ты веси моя тайная, единое Спасе; но Сам мя помилуй, якоже поет Давид, по милости Твоей.

Исчезоша дни мои, яко соние востающего; темже, яко Езекия, слезю на ложе моем, приложитися мне летом живота; но кий Исая предстанет тебе, душе, аще не всех Бог?

Преподобная мѣти Маріе, моли Бѳга о нас.

Возопивши к Пречистой Богоматери, первее отринула еси неистовство страстей, нужно стужающих, и посрамила еси врага запеншаго; но даждь ныне помощь от скорби и мне, рабу твоему.

Преподобная мѣти Маріе, моли Бѳга о нас.

Егоже возлюбила еси, Егоже возжелела еси, Егоже ради плоть изнурила еси, преподобная, моли ныне Христа о рабех, яко да милостив быв всем нам, мирное состояние дарует почитающим Его.

Преподобне отче Андрее, моли Бѳга о нас.

На камени мя веры молитвами твоими утверди, отче, страхом мя Божественным ограждая, и покаяние, Андрее, подаждь ми, молюся ти, и избави мя от сети врагов, ищущих мя.

Слава Отцу и Сыну и Святому Духу.

Троице Простая, Нераздельная, Единосущная и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

И ныне и присно и во веки веков. Аминь.

Поём Тя, благословим Тя, поклоняемся Ти, Богородительнице, яко Неразлучная Троицы породила еси Единаго Христа Бога и Сама отверзла еси нам, сущим на земли, Небесная.

Песнь 8

Трипеснец, глас 8:

Ирмос (читается): Безначальнаго Царя славы, Егоже трепещут Небесныя силы, пойте, священницы, людие, превозносите во вся веки.

Святїи апостоли, молїте Бѳга о нас.

Яко углие невещественнаго огня, попалите вещественныя страсти моя, возжизающе ныне во мне желание Божественныя любве, апостоли.

Святїи апостоли, молїте Бѳга о нас.

Трубы благогласныя Слова почтим, имиже падоша стены неутверждены вражия и богоразумия утвердишася забрала.

Святїи апостоли, молїте Бѳга о нас.

Кумиры страстныя души моея сокрушите, иже храмы и столпы сокрушите врага, апостоли Господни, храмове освященни.

Пресвятая Богородице, спаси нас.

Вместила еси Невместимаго естеством, носила еси Носящаго вся, доила еси, Чистая, питающаго тварь Христа Жизнодавца.

Иный трипеснец, ирмос тойже: Безначальнаго Царя:

Святїи апóстоли, молїте Бóга о нас.

**Дúха началохитростіем создáвше всю Цёрковь, апóстоли Хрис-
тóвы, в ней благословїте Христа во вéки.**

Святїи апóстоли, молїте Бóга о нас.

**Вострубївше трубою учéний, низвергóша апóстоли всю лeсть
їдольскую, Христа превозносяще во вся вéки.**

Святїи апóстоли, молїте Бóга о нас.

**Апóстоли, дóброе преселéние, назирáтелие мїра и небéснии
жїтелие, вас прїсно восхваляющїя избáвите от бед.**

Пресвятáя Трóице, Бóже наш, слава Тебé.

**Трисóлнечное Всесвётлое Богонáчалие, Единослáвное и Едино-
престóльное Естество, Отче Вседéтелю, Сыне и Божéственный Душе,
пою Тя во веки.**

Пресвятáя Богорóдице, спасї нас.

**Яко честнýй и превýшший престóл, воспоїм Бóжию Мáтерь
непрестáнно, людіе, едїну по рождествé Мáтерь и Дéву.**

И паки Великаго канона ирмос и тропари.

Е - го - же во - ин - ства Не - бес - на - я сла - вят

и тре - пе - щут Хе - ру - ви - ми и Се - ра -

фи - ми, вся - ко ды - ха - ни - е и тварь, пой -

В четверток на утрени

те, бла - го - сло - ви - те и пре - воз - но -

си - те во вся ве - ки. - си - те во вся ве - ки.

упрощенный вариант окончания

Помілуй мя, Бóже, помілуй мя.

Согрешівша, Спасе, помілуй, воздвігни мой ум ко обращению, прими́ мя кающагося, ущѣдри вопиюща: согреших Ти, спаси́, беззаконновах, помілуй мя.

Колесничник Или́я, колесницею добродетелей вшед, яко на небеса́, ноша́шеся превыше иногда́ от земных; сего́ убо, душе́ моя́, восход помышля́й.

Иорда́нова струя́ пер́вее милоти́ю Или́иною Елиссеем ста сю́ду и сю́ду; ты же, о душе́ моя́, се́я не причастилася еси́ благодати за невоздержание.

Елиссей иногда́ прие́м милоть Или́ину́, прият сугубую благодать от Го́спода; ты же, о душе́ моя́, се́я не причастилася еси́ благодати за невоздержание.

Соманитида иногда́ праведнаго учреди́, о душе́, нра́вом благим; ты же не ввела́ еси́ в дом ни страна́, ни пу́тника; те́мже черто́га изринешися вон, рыда́ющи.

Гиези́ев подража́ла еси́, ока́янная, ра́зум скверный всегда́, душе́, егóже сребролю́бие отложи́ поне́ на ста́рость, бега́й ге́енскаго огня́, отступивши злых твои́х.

Ты Ози́и, душе́, поревновавши, сего́ прока́жение в себѣ стяжа́ла еси́ сугубо: безме́стная бо мы́слиши, беззаконная же де́еши; оста́ви, я́же имаши, и притецы́ к пока́нию.

Ниневитяны, душе́, слы́шала еси́ кающихся Бо́гу, вре́тищем и пѣпелом, сих не подража́ла еси́, но явилася еси́ зле́йшая всех, пре́жде зако́на и по зако́не прегрешивших.

В рове блáта слышала еси́ Иеремію, душе́, града Си́оня рыда́ньми вопію́ща и слез і́щуща; подража́й сегó плачѣвное житіе́, и спасе́шися.

Иона в Фарсіс побеже́, проразумѣв обращѣние ниневітянов, разумѣ́ бо, яко проро́к, Бо́жие благоутрѣбие; те́мже ревновáше пророчеству́ не солгáтися.

Данийла в рове слышала еси́, како́ заграді́ уста́, о душе́, зверей́; увѣдела еси́, како́ о́троцы, іже о Аза́рии, погасі́ша ве́рою пе́щи пла́мень горя́щий.

Вѣтхаго За́вета вся приведо́х ти, душе́, к подобію; подража́й пра́ведных боголюбі́вая дея́ния, избѣгни же па́ки лука́вых грехо́в.

Правосу́де Спа́се, помі́луй и изба́ви мя огня́ и прещѣ́ния, е́же і́мам на судѣ́ пра́ведно претерпе́ти, осла́би ми пре́жде конца́, добродѣ́телию и покая́нием.

Яко разбо́йник, вопію́ Ти: помяни́ мя; яко́ Петр, пла́чу го́рце: осла́би ми, Спа́се; зову́, яко́ мыта́рь, слезю́, яко́ блудни́ца; приими́ моѣ́ рыда́ние, яко́же иногдá ханане́ино.

Гноѣ́ние, Спа́се, исцели́ смире́нныя моея́ души́, Еди́не Врачу́, пла́стырь мне нало́жи, и елей́, и вино́, дела́ покая́ния, умилѣ́ние со слезáми.

Ханане́ю и аз подража́я, помі́луй мя, вопію́, Сы́не Даві́дов; каса́юся кра́я рі́зы, яко́ кровоте́чівая; пла́чу, яко́ Ма́рфа и Мари́я над Ла́зарем.

Слезную́, Спа́се, сткля́ницу, яко́ мі́ро исто́щавáя на главу́, зову́ Ти, яко́же блудни́ца, мило́сти і́щущая, мо́льбу́ приношу́ и оставле́ние прошу́́ прияти.

Аще и никто́же, яко́же аз, согреші́ Тебе́, но оба́че приими́ и мене́, благоутрѣ́бне Спа́се, стра́хом ка́ющася и любóвию зову́ща: согреші́х Тебе́́ Еди́ному, помі́луй мя, Мило́стиве.

Пощади́, Спа́се, Твое́ создáние, и взыщи́, яко́ Па́стырь, погіб́шее, предвари́ заблуждша́го, восхити́ от во́лка, сотвори́ мя овча́ на па́стве Твои́х ове́ц.

Егда́, Судіе́, сядеши, яко́ благоутрѣ́бен, и пока́жеши стра́шную сла́ву Твою́, Спа́се; о, каковы́й стра́х тогда́, пе́щи горя́щей, всем боя́щимся нестерпи́мага Суді́лища Твоего́!

Преподо́бная ма́ти Мари́е, моли́ Бо́га о нас.

Свѣта незаходи́мага Ма́ти тя просветі́вши, от омрачѣ́ния страсте́й разреши́; те́мже вше́дши в духо́вную благода́ть, просвети́, Мари́е, ты ве́рно восхваля́ющия.

Преподобная мати Маріе, моли Бóга о нас.

Чúдо нóво вíдев, ужасáшеся божéственный в тебé воистинну, мати, Зосíма: Ангела бо зряше во плóти и úжасом весь исполняшеся, Христá поя во вéки.

Преподобне óтче Андрее, моли Бóга о нас.

Яко дерзновéние имый ко Гóсподу, Андрее Крítский, честная похвалó, молю, молися разрешéние от уз беззакóния ныне обрести мне молитвами твоими, я́ко покая́ния учíteль и преподóбных слава.

Благословим Отца́ и Сы́на и Свята́го Дúха, Гóспода.

Безначальне Отче, Сы́не Собезначальне, Утéшителю Благий, Дúше Правый; Сло́ва Бóжия Родíteлю, Отца́ Безначальна Сло́ве, Дúше Живый и Зиждяй, Трóице Единице, помилуй мя.

И ны́не и прísно и во вéки веко́в. Ами́нь.

Яко от оброщéния червлени́цы, Пречíстая, умная багряница Емману́илева внутрь во чрéве Твоём Плоть истка́ся; тэмже Бого-рóдицу воистинну Тя почитáем.

Хва́лим, благословим, покланя́емся Гóсподеви, пою́ще и превознося́ще во вся вéки.

Ирмос: Егóже во́инства:

Поем Честнейшую:

Песнь 9

Трипеснец, глас 8:

Ирмос (читается): Воистинну Богорóдицу Тя исповéдуем, спасéннии Тобо́ю, Дéво Чíстая, с безплóтными ли́ки Тя велича́юще.

Святii апóстоли, моли́те Бóга о нас.

Источни́цы спасíteльныя воды́ явльшеся, апóстоли, истáявшую дúшу мою́ грехóвною жа́ждою оросíte.

Святii апóстоли, моли́те Бóга о нас.

Плава́ющаго в пучíне погíбели и в погружéнии уже́ бýвша, Твоёю десни́цею, я́коже Петра́, Гóсподи, спаси́ мя.

Святii апóстоли, моли́те Бóга о нас.

Яко со́ли, вку́сных сýще учéний, гни́льство ума́ моего́ изсушите́ и невéдения тьму́ отженíte.

Пресвятáя Богорóдице, спаси́ нас.

Рáдость я́ко родившая, плач мне пода́ждь, íмже Божéственное утешéние, Влады́чице, в бóдущем дни обрести́ возмогу́.

Великий покаянный канон

Иный трипеснец, ирмос: Тя, Небесé и земли Ходáтаицу:

Святíи апóстоли, моли́те Бóга о нас.

Тя, благосла́вное апóстольское собра́ние, пёсньми велича́ем: вселённей бо свети́ла свётлая яви́стеся, прелесть отгоня́ще.

Святíи апóстоли, моли́те Бóга о нас.

Благовёстною мре́жею ва́шею словéсныя ры́бы уловívше, сия́ приносите́ всегда́ снедь Христу́, апóстоли блаже́ннии.

Святíи апóстоли, моли́те Бóга о нас.

К Бóгу ва́шим прошéнием помяни́те нас, апóстоли, от вся́каго изба́витися искуше́ния, мо́лимся, любóвию воспева́ющия вас.

Пресвята́я Трóице, Бóже наш, сла́ва Тебе́.

Тя, Триипоста́сную Еди́ницу, Отче, Сы́не со Ду́хом, Еди́наго Бóга Единосу́щна пою́, Трóицу Единоси́льную и Безнача́льную.

Пресвята́я Богорóдице, спаси́ нас.

Тя, Детороди́тельницу и Дёву, вси ро́ди, ублажа́ем, я́ко Тобо́ю изба́вльшеся от кля́твы: ра́дость бо нам роди́ла еси́, Го́спода.

И паки Великаго канона ирмос и тропари.

Без се - мен - на - го за - ча - ти - я рож - дест - во не - ска -

зан - но - е, Ма - те - ре без - муж - ны - я не - тле - нен

Плод, Бо - жи - е бо рож - де - ни - е об - нов - ля - ет

В четверток на утрени

ес - тест - ва. Тем - же Тя, вси ро - ди, я - ко
Бо - го - не - вест - ну - ю Ма - терь, пра - во -
слав - но ве - ли - ча - ем. - ча - ем.

упрощенный вариант окончания

Помилуй мя, Бóже, помилуй мя.

Ум острупи́ся, тѣло оболѣзнися, недугует дух, слово изнемо́же, жити́е умертви́ся, конецъ при двѣрехъ. Тѣмже, моя́ окайнная душѣ, что сотвори́ши, егда́ придетъ Судия́ испытати твоя́?

Моисеево приведо́х ти, душѣ, миробы́тие, и от того́ все заветное Писа́ние, повѣдающее тебѣ пра́ведныя и неправедныя; от нихже вторы́я, о душѣ, подража́ла еси́, а не пѣрвыя, в Бóга согрешивши.

Законъ изнемо́же, прáзднует Ева́нгелие, Писа́ние же все в тебѣ небреже́но бысть, проро́цы изнемогóша, и все пра́ведное слово; стру́пи твоя́, о душѣ, умно́жишася, не сущу́ врачу́, исцеля́ющему тя.

Новаго привождú ти Писа́ния указа́ния, вводя́щая тя, душѣ, ко умилѣнию: пра́ведным убо поревну́й, грѣшных же отвраща́йся и умилостиви Христа́ моли́твами же, и пощѣньми, и чистото́ю, и говѣнием.

Христосъ вочеловѣчися, призва́в к покая́нию разбо́йники и блудницы; душѣ, пока́йся, дверь отвѣрзеса Ца́рствия уже́, и предвосхища́ют е фарисее, и мытари́, и прелюбодѣи ка́ющися.

Христос вочеловечися, плоти приобщився ми, и вся елика суть естества хотением исполни, грехам кроме, подобие тебе, о душе, и образ предпоказуя Своего снисхождения.

Христос волхвы спасе, пастыри созва, младенец множества показа мученики, старцы прослави и старыя вдовицы, ихже не поревновала еси, душе, ни деянием, ни житию; но горе тебе, внигда будеши судитися.

Постився Господь дней четырёхдесят в пустыни, последи взалка, показуя человеческое; душе, да не разленишия, аще тебе приложится враг, молитвою же и постом от ног твоих да отразится.

Христос искушашеся, диавол искушаше, показуя камень, да хлеби будут; на гору возведе, видети вся царствия мира во мгновении; убойся, о душе, ловления, трезвися, молися на всякий час Богу.

Горлица пустыннолюбная, глас вопиющего возгласи, Христов светильник, проповедуя покаяние; Ирод беззаконнова со Иродиадою. Зри, душе моя, да не увязнеши в беззаконныя сети, но облобызай покаяние.

В пустыню вселися благодати Предтеча, и Иудея вся и Самария, слышавше, течаху и исповедаху грехи своя, крещаемые усердно; ихже ты не подражала, еси, душе.

Брак убо честный и ложе нескверно, обою бо Христос прежде благослови, плотию ядый, и в Кане же на браце воду в вино совершая, и показуя первое чудо; да ты изменишия, о душе.

Разслабленного стягну Христос, одр вземша, и юношу умерша воздвиже, вдовиче рождение, и сотника отрока, и самаряныне явися; в душе службу тебе, душе, предживописа.

Кровоточивую исцели прикосновением края ризна Господь, прокаженных очисти, слепыя и хромыя просветив, исправи, глухия же и немыя и ничашия низу исцели словом, да ты спасешия, окаянная душе.

Недуги исцеляя, нищим благовествоваше Христос Слово, вредныя уврачевая, с мытаря ядыше, с грешники беседоваше, Иаириовы дочери душу предумершую возврати осязанием руки.

Мытарь спасашеся, и блудница целомудрствоваше, и фарисей, хваляся, осуждашеся. Ов убо: очисти мя; ова же: помилуй мя; сей же величашеся вопия: Боже, благодарю Тя! и прочия безумныя глаголы.

Закхей мытарь бе, но обаче спасашеся, и фарисей Симон соблажняшеся, и блудница приимаше оставительная разрешенія от Имущаго крепость оставляти грехи; юже, душе, потщися подражати.

Блуднице, о окайная душе моя, не поревновала еси, яже, приемши мира алавастр, со слезами мазаше нозе Спасове, отрече же власи, древних согрешений рукописание Раздирающаго ея.

Грады, имже даде Христос благовестие, душе моя, уведала еси, како прокляти быша; убойся указания, да не будеши якоже оны, ихже содомляном Владыка уподобив, даже до ада осуди.

Да не горшая, о душе моя, явишия отчаянием, хананеи веру слышавшая, еже дщи словом Божиим исцелися; Сыне Давидов, спаси и мене, воззови из глубины сердца, якоже она Христу.

Умилосердися, спаси мя, Сыне Давидов, помилуй, беснующияся словом исцеливый, глас же благоутробный, яко разбойнику, мне рцы: аминь, глаголю тебе, со Мною будеши в рай, егда прииду во славе Моей.

Разбойник оглаговаше Тя, разбойник богословяше Тя: оба бо на кресте свиса. Но, о Благоутробне, яко верному разбойнику Твоему, познавшему Тя Бога, и мне отверзи дверь славнаго Царствия Твоего.

Тварь содрогашеся, распинаема Тя видящи, горы и камения страхом распадохуся, и земля сотрясашеся, и ад обнажашеся, и соомрачашеся свет во дне, зря Тебе, Иисусе, пригвождена ко Кресту.

Достойных покаяния плодов не истязи от мене, ибо крепость моя во мне оскуде; сердце мне даруй присно сокрушенное, нищету же духовную; да сия Тебе принесу яко приятную жертву, Единому Спасе.

Судие мой и Ведче мой, хотяи паки приити со Ангелы судити миру всему, милостивным Твоим оком тогда видеви мя, пощадив и ущедри мя, Иисусе, паче всякаго естества человека согрешивша.

Преподобная мати Марие, моли Бога о нас.

Удивила еси всех странным житием твоим, Ангелов чины и челоуков соборы, невещественно поживши и естество прешедши, имже, яко невещественными ногами вшедши, Марие, Иордан прешла еси.

Преподобная мати Марие, моли Бога о нас.

Умилостиви Создателя о хвлящих тя, преподобная мати, избавитися озлоблений и скорбей, окрест нападающих; да избавившеся от напастей, возвеличим непрестанно прославльшаго тя Господа.

Преподобне отче Андрее, моли Бога о нас.

Андрее честный и отче преблаженнейший, пастырю Критский, не престаи моляся о воспевающих тя: да избавимся вси гнева, и скорби, и тления, и прегрешений безмерных, чтущии твою память верно.

Слава Отцу и Сыну и Святому Духу.

Троице Единосущная, Единице Триипостасная, Тя воспеваем, Отца славяще, Сына величающе и Духу поклоняющесея, Единому Естеству воистинну, Богу, Жизни же и живущему Царству безконечному.

И ныне и присно и во веки веков. Аминь.

Град Твой сохраняй, Богородительнице Пречистая, в Тебе бо сей верно царствуй, в Тебе и утверждается, и Тобою побеждай, побеждает всякое искушение, и пленяет ратники, и проходит послушание.

Таже оба лика вкупе поют ирмос:

Безсеменнаго зачатия Рождество несказанное, / Матере безмужныя нетленен Плод, / Божие бо рождение обновляет естества. / Темже Тя, вси роди, / яко Богоневестную Матерь, // православно величаем.

Ектения малая.

Светилен гласа, по первом прочтении припеваем к нему:

Молитвами, Господи, апостол Твоих и святителя Николая, и спаси мя.

На Славу, по втором прочтении:

Молитвами, Господи, святых Твоих, и спаси мя.

На И ныне, по третьем прочтении:

Молитвами, Господи, Богородицы, и спаси мя.

И абие псалмы хвалитные, Хвалите Господа с небес: И славословие вседневное.

Ектения просительная.

На стиховне самогласен, дважды. Глас 8:

В разбойническаго пути впадши, душе моя, / люте уязвлена еси от своих согрешений, / предавшись неразумным врагом. / Но, яко имущая время, во умилении возопий: / Упование ненадежных, Животе отчаявшихся, // Спасе, возстави и спаси мя.

Стих: Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя и на дела Твоя, / и настави сыны их.

В разбойническаго пути:

В четверток на утрени

Стих: **И** бѹди свѣтлость Гóспода Бóга нáшего на нас, и дела рук нáших испрáви на нас,/ и дѣло рук нáших испрáви.

Мученичен: **Во** броня вѣры обóлкшеся дóбре,/ и óбразом крѣстным вооруживше себѣ,/ во́ини благомо́щнии показáстеся,/ мучíteлем мѹжески протѣвистеся,/ и диáволю прѣлесть потребѣстеся,/ победíteле бѣвше, венцѣв сподóбистеся:/ моли́теся Христу́ о нас,// во е́же спастѣся душáм нáшим.

Слáва, и ны́не, Богородичен: **Приими́** глáсы раб Твоѣх,/ **Все**чѣистая Богорóдице Дѣво,/ и моли́ непрестáнно/ грехóв разрѣшѣние// и мир даровáти нам.

Посем: **Блáго** есть: **единощи, посем Трисвятое, по Отче наш: В** хра́ме стояще: Гóсподи помѣлуй (40) и окончание утрени обычное. **Поклонов же Ефрема Сирина** кладем три, и на часех такожде.*

Совокупляем же и час первый, без стихословия.

Тропари на часах: **Заўтра** услы́ши: Гóсподи, иже Пресвята́го: и прочая, не поются, а читаются. **По Трисвятом кондак:** Душѣ моѣ: **И на всех часех** и изобразительных такожде. **Блаженны** поскору, без пения.

Стихословим на третьем часе кафисму 9, на шестом — 10, на девятом — 11.

Вечерню совершаем в свое время, по нейже последование Преждеосвященных.

На трапезе же ядим елей и вино прием, труда ради бденнаго.



* По поводу количества поклонов в конце утрени и на часах Типикон пишет не очень конкретно («поскору, труда ради бденнаго»). Это привело к серьезным расхождениям между В. Розановым («Богослужбный устав Православной Церкви», М., 1902), К. Никольским («Пособие к изучению устава богослужения» СПб., 1907) и «Богослужбными указаниями», изданными Московской Патриархией в разные годы. Мы помещаем «усредненный» вариант, изложенный, в частности, в 11-й Марковой главе Типикона за 24 февраля.

Приложение

Избранные песнопения Великого канона

Ирмосы <i>Киево-Печерского распева</i>	47
Ирмосы <i>Московского напева, гарм. архим. Матфея (Мормыля)</i>	55
Кондак <i>по напеву ирмосов Д. Бортнянского</i>	62
Кондак <i>древнего напева</i>	63



Житие преподобной Марии Египетской,

списанное Софронием Иерусалимским.....	64
--	----